

教育

八

正月

臣部欽遵註冊至定章以前各項官費自費生及定章以後各項自費生原有文武官階不在陸軍供職者准其仍就原官在陸軍供職者必須照章改爲陸軍官階定章以後各項官費生除不勝陸軍職任外其餘各生不論有無原官均須照章補陸軍官階充陸軍職任

河南巡撫陳學政王會奏遵旨會議擬設尊經學堂及師範傳習所以保國粹而廣

師資摺

竊臣恭讀本年^{乙巳}八月初四日

諭袁世凱等奏請立停科舉以廣學校並妥籌辦法一

摺著卽自丙午科爲始所有鄉會試一律停止各省歲科考試亦卽停止著責成各該督撫實力通籌嚴飭府廳州縣趕緊於城鄉各處徧設蒙小學堂等因欽此又恭讀八月初六日上諭昨已有旨停止歲科考試專辦學堂所有各省學政均著專司考校學堂事務會同督撫經理等因欽此仰見 皇太后 皇上興學育才殷殷求治之至意欽佩莫名

臣等竊維孔孟之教炳如日星千古不易後世強分之曰經學理學經濟文章其根柢無不本於經學我 朝表章經術超越前古 聖祖仁皇帝 御纂周易折中

欽定書經詩經春秋彙纂廣立學官迨乾隆朝 欽定三禮義疏詩義折中復風示海內立之標準語其精粹則歐西哲學皆自以爲弗如遠甚夫經學者 朝廷教化之原而

國運所視以爲盛衰者也今者迭奉 明詔飭各省建立學堂固已樹教迪之先聲得育才之要道矣然學堂分設科目力求通達時務究未能專心經學是以奏定學堂章程京師大學堂內設立經學專門暨政法文各分科並特設通儒院以示優崇而此次督臣袁世凱等原奏內之切要辦法卽首在尊經學又請 飭下各省督撫學政責成辦理學務人員注意經學暨國文國史是雖奏請停止科舉而於中學固尤加之意也惟是經義與博卷軸浩繁而學堂暑刻有限僅能通習大義而已若欲博綜精研必入大學專門然後得從事於此通儒院規模雖闊勢不能舉海內嚮學之士悉容納於其中倘非各省廣爲搜羅多方提倡坐令四方老宿皓首窮經而不能證明心得以爲 國家致用良足惜也況當此振興學務之際設績學老成之士因不合時宜廢然自棄人皆曰經學爲迂疏不復專心致志以蕝通作述之精意第恐舍本逐末不數年而國粹蕩然矣然則爲今之計尤以培植窮經之士以保存國粹爲先務應略仿通儒院之意於省會設立尊經學堂以爲通儒院之基礎查河南省城舊有大梁書院臣夔龍於上年改爲大梁校士館曾經咨明學務處戶部禮部查照在案今科舉既停諸生應歸師範學堂肄業而督臣袁世凱等原奏內又有擬令各督撫學政每三年一次保送舉貢入京考試之語擬卽改大梁校士館爲尊經學堂專考取通省舉貢入

教 育

十

正月

學肄業暫以百人爲額俟籌有餘款再行擴充此項舉貢畢業時擇其最優者咨送學務大臣考驗合格量予獎勵並升入學堂各分科爲日後遞升通儒院地步仍由臣等隨時考察習知其學問品行將來三年保送時亦可有所選擇不至濫舉又念教育之方期於普及此後各屬學堂日益加多其取資於師範者甚衆不爲豫儲於平日必至闕乏於臨時現在省城初級師範學堂雖經開辦各屬尙待推行誠恐需以歲時緩不濟急應卽遵照原奏設立師範傳習所以造就之查省城有明道書院一區原係前任學臣邵松年奏設向由學臣調取各府州縣高材生前來肄業每年用款向祇二千金半係由各屬捐助者臣埤到任後卽欲改爲師範學堂以款無可籌旋議旋止今既停止科舉而以前生員仍奉 旨量予出路擬卽改明道書院爲師範傳習所專調各縣績學生員考取肄業暫習簡易科先以百人爲額其考取名次在額外者以次傳補俟款裕再行推廣一切辦法卽遵照師範學堂簡易科章程由臣等隨時考核總期師資日廣以儲眞才而收實效以上二端臣等再四晤商意見相同豫省近年籌款固已羅掘一空然樹人至計桑土遠謀無論如何拮据不得不先其所急伏查科舉旣停所有科場經費除例銷外均係出自各屬攤捐擬卽酌撥備用如有不敷仍飭司道竭力籌捐期以明年正月開學一面嚴飭各府廳州縣速行設法多立蒙小學堂

並將河南高等學堂額數力求擴充以慰多士嚮學之懷而彰

列朝教澤之盛行見

達材成德體用兼賅於學術人心均有裨益且於學堂奏定章程及此次督臣袁世凱等所擬切要辦法首以經學爲根柢亦相脗合相應將簡明章程開具清單恭呈 御覽如蒙

俞允遵卽切實舉辦期收成效而杜流弊謹 奏奉 硃批學務大臣知道單併發欽此

謹將改設尊經學堂章程繕具清單恭呈 御覽 一首尊經學羣經爲載道之書自漢迄

國朝訓詁注疏遞有闡明至詳且盡諸生宜就 欽定諸經奉爲準的博採諸家經說以

求會通其研究之法恪遵大學堂經學專門辦理 一精研理學孔門博文繼以約禮實卽

後世理學之宗凡宋元明學案暨 國朝學案諸書均宜切實研求如有心得可以編纂成

書 一博覽史學尙書開二十四史紀傳之先春秋採百二十國史書之廣後世始分經史

爲二而諸史往往足以證經凡歷代政治得失之由風俗盛衰之故以及兵農典禮嘉言懿

行均應分類採輯外國史譯本典雅者亦可供涉獵至輿地一門與史學相表裏尤宜考訂

一保存文學查 奏定章程學務綱要內載各學堂不得廢中國文詞以爲闡理紀事撰

述 制誥涵養性情之用又謂中國各種文體實爲五洲文化之精華必能爲各體文詞然

後能通解經史古書傳述聖賢精理應令諸生練習各體文詞惟所誦讀者必有益德性風

化之書所撰述者不徒以雕琢麗藻爲工 一兼通藝學古者稱六經爲六藝而禮樂射御書數亦稱六藝況格致爲大學始基周髀乃姬公遺法諸生於枕經菲史之暇宜各就性之所近分認一門或數門以盡游藝之長 一預習政學通經原以致用授政不達雖多奚爲查督臣袁世凱等奏停科舉摺內有謂保送舉貢凡財政兵事交涉鐵路礦務警察外國政法等事但有一長可取皆可保送凡肄業生各宜擇政治專門之學加意學習以期成爲通才 一各生三年畢業以能著有成書爲據凡所著經學理學史學文學藝學政學以及教科書風土記等書由巡撫學政查驗後咨送學務大臣詳覈如果能發明新理有裨學術可行於世由學務大臣考驗合格量予獎勵並升入大學各分科爲日後遞升通儒院地步 一各生才質有高下原不能兼擅其長而性情有轉移或不免見異思遷凡考取者入學堂之始即將其三年內擬治何經著何書考何政習何藝分晰親注於冊分存教務長及庶務長處以備隨時稽察如有半途而廢或務廣而荒不終其業者卽行飭退其能有兼長者分別給獎 一各生均係舉貢自必敦品者多如有妄生議論干預公事及冶游結黨酗酒唆訟吸食洋煙不遵約束等事皆爲品行不端輕者飭退重者分別奏請斥革 一藏書宜博搜廣採經史百家浩如淵海我 朝實學昌明碩儒著述積久愈多自非廣爲蒐輯不足以

供研究參考之用除大梁校士館舊存書籍若干外應再添購切實有關經史文學政藝各書廣爲羅列以造績學之士 一設教務長一員監督一員教員二員庶務長一員文案官一員兼會計官監學官一員兼掌書官齋務長四員由監督會同教務長選派肄業生充之一查奏定章程有臨時考試之條由教員自以所授科學試驗學生等差以定分數等語茲定每月初二日由教務長命題試以經史策論及各體文十六日由教員命題試以政治及西國藝學兩次均由教員覈閱送教務長評定甲乙榜示講堂至各生所著書無論何種科學已未成書應令於暑假年假前期開具卷數並書呈送庶務長察核存記下期開學仍發交各生續輯 一星期放假本係西例今尊經學堂內無西教習自應遵 國家朔望謁廟之制學堂內供奉 至聖牌位朔望由教務長監督暨全學人員率諸生行三跪九叩首禮畢後諸生齊向教務長監督教員三揖卽於是日放假其恭遇 皇太后 皇上萬壽聖節 至聖誕辰及端午中秋均照學堂管理通則放假一日凡假日晨出暮歸不得在外歇宿每月除朔望例假外准告假三日不得無故告假違者均記過一次如記過三次卽行飭退 一籌款維艱本應酌收學費但舉貢等強半寒士如收學費轉不足以示體恤惟未屆卒業之期犯以上過失經學堂飭退及自行告退或年暑假滿不回學堂者須補還

學費按每月銀四兩計算行文各該署追取以重款項而杜曠廢其因病及有事故退學者勿庸補還學費 一每年暑假年假之前由巡撫學政會同考試一次以驗優劣優則給獎劣則記過 一教務長須聘德行道藝爲士林所推服者充當教員須明習各種藝學由教務長會商監督選定延訂 以上章程十六條均係依照奏定大學堂通儒院高等學堂各章程參酌訂定此外應辦各事及傳習所章程則悉照奏定學堂章程辦理如有未盡事宜再當隨時釐訂以求盡善理合陳明

直隸學務處分課章程

第一條直隸學務處爲全省學校之總匯應分設七課一總務課二專門課三普通課四實業課五會計課六圖書課七游學課各課置長及員分理課務由總理會辦統率之惟現在專門實業兩課事尙無多暫緩設置應附於他課 第二條總務課承受本處全體之事務分布於各課凡各課所不屬

之事項皆任之應置長一人副長一人監督兩部事務 一文牘部 二統計部各課員

所屬文卷司事庶務司事寫生 第三條專門課掌關於專門教育各事項應置長一人副

長一人監督三部事務 一高等教育部 二法政部 三學藝部各課員 所屬書記司

事庶務司事惟專門課暫不設置應將三部事宜歸他課一人兼理即不另置長及副長 第四條普通課掌關於普通教育各